

第一三七三册

四庫全書

●上海古籍出版社

本冊目次

中州名賢文表
元史本傳
明文衡(二)

明劉昌編……………一
明程敏政編……………四八三

欽定四庫全書

集部

中州名賢文表 總目
卷一

詳校官中書臣覆照

助教臣常循覆勘

總校官庶吉士臣朱 鈐

校對官編修臣盧 燧

謄錄監生臣李世麟

欽定四庫全書

集部八

中州名賢文表

總集類

提要

臣等謹案中州名賢文表三十卷明劉昌編

昌字欽謨吳縣人正統乙丑進士歷官河南

提學副使遷廣東參政是編即其官河南時

所蒐輯凡許衡六卷姚燧八卷馬祖常五卷

許有壬三卷王惲六卷富珠哩神原作李木

欽定四庫全書

中州名賢文表

正二卷又畧依本集之類各以碑志銘傳等

篇附錄于後考許衡魯齋遺書馬祖常石田

集許有壬至正集王惲秋澗集雖尚有傳本

而惟魯齋遺書有刊板餘皆輾轉傳鈔舛訛

滋甚賴此編捫其英華得以互勘至姚燧本

集五十卷富珠哩神本集六十餘卷見於諸

家著錄者已久佚不傳獨賴此僅存其表章

之功亦不可泯矣每集未有昌所作跋語數

則亦頗見考訂王士禎香祖筆記載其觀宋

牧仲重刻文表且云欽謨諸跋當悉刻之以

存其舊此本實康熙丙戌宋華授錢塘汪立

名所刊其附入原跋蓋本土禎之意昌自序

又謂此其內集尚有外集正集祿集若干卷

今俱未見殆久而散佚歟乾隆四十五年九

月恭校上

欽定四庫全書

總纂官

紀昀

陸錫熊

孫士毅

總校官 陸費墀

欽定四庫全書

集部八

中州名賢文表總目

總集類

卷一

許文正公

奏議

奏對

卷二

許文正公

欽定四庫全書

總纂官

紀昀

陸錫熊

孫士毅

卷三

許文正公

雜著

韻語

墓銘

卷四

許文正公

書牘

卷五

許文正公

詩章

詞調

卷六

許文正公

附錄

欽定四庫全書

中州名賢文集
總目

卷七

姚文公

詩賦

代言

銘辭

卷八

姚文公

碑文

卷九

姚文公

記序

卷十

姚文公

墓碣

卷十一

姚文公

欽定四庫全書

中州名賢文集
總目

神道碑

卷十二

姚文公

神道碑

卷十三

姚文公

神道碑

卷十四

姚文公

神道碑

附錄

卷十五

馬文貞公

五言古詩

七言古詩

五言律詩

欽定四庫全書

中州名賢文表
總目

四

五言排律

卷十六

馬文貞公

七言律詩

五言絕句

七言絕句

樂府歌行

雜言

聯句

卷十七

馬文貞公

騷賦

制誥

表箋

章疏

記序

欽定四庫全書

中州名賢文表
總目

五

卷十八

馬文貞公

碑誌

卷十九

馬文貞公

碑誌

附錄

卷二十

許文忠公

古賦

五言古詩

五言律詩

七言律詩

七言絕句

歌行

贊

欽定四庫全書

中州名賢文表
總目

六

題跋

序

卷二十一

許文忠公

記

碑誌

卷二十二

許文忠公

碑誌

附錄

卷二十三

王文定公

賦

五言古詩

七言古詩

七言律詩

欽定四庫全書

中州名賢文表
總目

七

卷二十四

王文定公

奏議

記序

卷二十五

王文定公

記序

卷二十六

王文定公

碑誌

卷二十七

王文定公

碑誌

卷二十八

王文定公

題跋

欽定四庫全書

中州名賢文表
總目

八

附錄

卷二十九

富珠哩文靖公

碑銘

卷三十

富珠哩文靖公

碑銘

記序

詩頌

附錄

欽定四庫全書

中州名賢文表
總目

九

中州名賢文表原序

文之行世不猶水之行地中乎河洛淮濟天下之水之盛者也其行於地中或數千里以至萬里而入於海茫乎沛然孰得而禦之何哉有源故也賢者之於文亦然仁義以為本禮樂以為用詩書以為輔騷史以為飾矩度以為準開闔以為勢鋪張以為體其言主乎立教其志將以求合於聖人之言故曰觀於海者難為水遊於聖人之門者難為言夫言之非難其將以求合於聖人

欽定四庫全書

中州名賢文表
原序

者之難也而賢者乃獨務其難卒使其言垂世而立教者何哉有本故也惟修辭立誠以益充仁義之本斯言不戾於聖人猶水之有源則其出也必盛此理之常無足怪者昌奉詔提學中州且九年嘗觀濟之源於王屋觀淮之源於桐柏濟與淮中州之名川也所謂天下之水之盛者也濟出王屋伏行二百里而始大發發而即盛淮出桐柏行百餘里亦大發發而即盛非若溝澗溪澮挾潢潦以自溢者比此非其源之深乎既又南觀河

欽定四庫全書

中州名賢文表
原序

二

洛河出圖洛出書在古聖人之世而皆在中州之境中州居四方之中萬嶽在焉詩有之維嶽降神生甫及申故昌嘗旁探遠覽自申甫而下於漢得賈生於唐得韓文公於宋得兩程夫子於元得許文正公皆中州之名賢也今或數百年以至十年而其言猶傳非其本之大乎本以仁義用以禮樂輔以詩書飾以騷史其言之所主要皆教之所寓而矩度開闔鋪張之大較森然畢陳此宜不戾於聖人而有傳也懷慶守呂恕以許文正公遺書授昌昌遂附之以姚文公燧馬文貞公祖常許文忠公有壬王文定公憚富珠哩文靖公珣諸集之僅存者而表章顯著之蓋皆中州之名賢也故題之曰中州名賢文表夫諸賢之文其行世如河洛淮濟之行地人固無有禦之豈必昌之能表著哉愛慕之已切記憶之務勤維日維夜手披口誦則可謂云爾已矣此其內集復有外集正集雜集凡若干卷云成化七年三月朔旦姑蘇劉昌序

前明姑蘇劉欽謨氏提學中州編纂元世名賢許文正

公衡姚文公燧馬文貞公祖常許文忠公有士王文定公惲富珠哩文靖公翀六君子之文如千卷銀板行世六君子皆中州產也名曰中州名賢文表余自少知有是書輒景慕鄉先生遺風餘烈心嚮往者久之後建節三吳得於藏書家亟以授汪子西亭重付剞劂既訖工會余奉

欽定四庫全書

中州名賢文表

三

命入掌銓衡走使持轡本請序余惟六君子之文萃乎與萬嶽二室爭高固無俟余之讚述迺若劉氏汲古之勤表賢示後之切惡可無一言以裨其美哉夫許魏公以真儒為帝者師其立言皆原本洙泗佐佑濂洛牧庵其高第弟子倡明古文蔚為當代宗匠他如浚儀安陽兩雄並峙秋澗公獨步一時魯參政師道自任其所著述宜皆炳炳麟麟不可磨滅矣顧自六君子距劉氏近纔百餘年遠不過二百年而殘編斷簡日就彫亡其辛苦營購而僅得之者亦多缺誤向非劉氏蚤夜矻矻作為是書再越幾百年以迄於今其存也有幾乎劉氏之

欽定四庫全書

中州名賢文表

四

有功於前賢甚大劉氏既傷集本之失瑩凡山錫野刻靡不搜討所過前賢遺趾必禮其祠墓錄其子孫遇豐碑巨碣必周覽摩挲備紀其高厚廣濶上下盤跚之狀雖其廢擲偃仆於雲埋雨蝕中者必洗剔植立深簷蓋覆以致其懷賢思古之幽情跡其過百泉尋蘇門遊嘯處憑弔文獻之餘踪訪水簾行深澗舍輿躍騎舍騎而登捫蘿陟嶽窮幽遐險絕以讀磨崖之記蹣跚踣躅於寒山石磴青巖蒼峪之間雖好奇如康樂柳州無以過嗚呼夫亦可以想見其高風邁世矣余嘗慨夫世之為政者非法令所及不復議生平宦遊所歷未嘗不以表賢復古為志蒞吳之日前賢之為吳寓公有蹟可尋者嘗為之還其舊觀重開雕其遺集以垂後世今劉氏故吳之先正也劉視學吾鄉且九年而余撫吳凡十有四年迹偶相類而汲古表賢之意復曠世相感又其所編纂皆吾鄉先生琳琅金薤流落而僅存者少而知慕老得遂其手牋口沫之思蓋不勝欣然喜喟然歎茫然長

懷而願後之君子相與共存是志於無窮也六君子元史各有本傳今載卷端備考康熙四十五年七月既望商邱宋華序

蘇州劉昌欽謨氏視學河南蒐許文正以下六公之作題曰中州文表凡三十卷書撰於成化之初去元未遠而姚文公集五十卷富珠哩文靖公集六十餘卷已不復見藉是編所錄以傳其表章之力匪細矣按欽謨序以為內集復有外集正集雜集惜其並亡訪之儲藏欽定四庫全書

中州名賢文表

五

家不可得吾師商邱宋公手授藏本命讐校而鈐之凡匪歲而後卒業云康熙丙戌嘉平錢唐汪立名謹識

中州名賢文表原序

中州名賢文表本傳

許衡 許衡字仲平懷之河內人也世為農父通避地河南以泰和九年九月生衡於新鄭縣幼有異質七歲入學授章句問其師曰讀書何為師曰取科第耳曰如斯而已乎師大奇之每授書又能問其旨義久之師謂其父母曰兒穎悟不凡他日必有大過人者吾非其師也遂辭去父母強之不能止如是者凡更三師稍長嗜學如饑渴然遭世亂且貧無書嘗從日者家見書疏義欽定四庫全書

中州名賢文表

一

因請寓宿手抄歸既逃難岵嶠山始得王輔嗣易註時兵亂中衡夜思晝誦身體而力踐之言動必揆諸義而後發嘗暑中過河陽渴甚道有梨衆爭取啖之衡獨危坐樹下自若或問之曰非其有而取之不可也人曰世亂此無主曰梨無主吾心獨無主乎轉魯留魏人見其有德稍稍從之居三年聞亂且定乃還懷往來河洛間從柳城姚樞得伊洛程氏及新安朱氏書益大有得尋居蘇門與樞及實默相講習凡經傳子史禮樂名物星

歷兵刑食貨水利之類無所不講而慨然以斯道為己任
嘗語人曰網常不可一日而亡於天下苟在上者無以
任之則在下之責也凡喪祭娶嫁必徵於禮以倡其鄉
人學者寢戚家貧躬耕粟熟則食粟不熟則食糠覈菜
茹處之泰然謳誦之聲聞戶外如金石財有餘即以分
諸族人及諸生之貧者人有所遺一毫非義弗受也樞
嘗被召入京師以其雪齋居衡命守者館之衡拒不受
庭有果熟爛墜地童子過之亦不睨視而去其家人化
欽定四庫全書
中州名賢文表
本傳
之如此甲寅世祖出王秦中以姚樞為勸農使教民耕
植又思所以化秦人乃召衡為京兆提學秦人新脫於
兵欲學無師聞衡來人人莫不喜幸來學郡縣皆建學
校民大化之世祖南征乃還懷學者禁留之不得從送
之臨潼而歸中統元年世祖即皇帝位召至京師時王
文統以言利進為平章政事衡樞輩入侍言治亂必以
義為本文統患之且竇默日於帝前排其學術疑衡與
之為表裏乃奏以樞為太子太師默為太子太傅衡為

太子太保陽為專用之實不使數侍上也默以屢攻文
統不中欲因東宮以避禍與樞拜命將入謝衡曰此不
安於義也姑勿論禮師傳與太子位東西鄉師傳坐太
子乃坐公等度能復此乎不能則師道自我廢也樞以
為然乃相與懷制立殿下五辭乃免改命樞大司農默
翰林侍講學士衡國子祭酒未幾衡亦謝病歸至元二
年帝以安圖為右丞相欲衡輔之復召至京師命議事
中書省衡乃上疏曰臣性識愚陋學術荒疎不意虛名
欽定四庫全書
中州名賢文表
本傳
偶塵聖聽陛下好賢樂善舍短取長雖以臣之不才自
甲寅至今十有三年凡八被詔旨中懷自念何以報塞
又日者面奉德音叮嚀懇至中書大務容臣盡言臣雖
昏愚荷陛下知待如此其厚敢不罄竭所有裨益萬分
孟子以責難於君謂之恭陳善閉邪謂之敬孔子謂以
道事君不可則止臣之所守大意蓋如此也伏望陛下
寬其不佞察其至懷則區區之愚亦或有小補云乃陳
立國規模中書大要為君難及農桑學校等事詳見奏

議帝深嘉納之阿哈瑪特為中書平章政事領尚書省六部事因擅權勢傾朝野一時大臣多阿之衡與之議必正言不少讓已而其子又有僉樞密院之命衡獨執議曰國家事權兵民財三者而已今其父典民與財子又典兵不可帝曰卿慮其反邪衡對曰彼雖不反此反道也阿哈瑪特由是衡之亟薦衡宜在中書欲因以事中之俄除左丞衡屢入辭免帝命左右掖衡出衡出及闕還奏曰陛下命臣出豈出省邪帝笑曰出殿門耳從章上

欽定四庫全書

中州名賢文表

四

京乃論列阿哈瑪特專權罔上蠹國害民若干事不報因謝病請解機務帝惻然召其子師可入諭旨且命舉自代者衡奏曰用人天子之大柄也臣下汎論其賢否則可若授之以位則當斷自宸衷不可使臣下有市恩之漸也帝久欲開太學會衡請罷益力乃從其請八年以為集賢大學士兼國子祭酒親為擇蒙古弟子俾教之衡聞命喜曰此吾事也國人子太朴未散視聽專一若置之善類中涵養數年將必為國用乃請徵其弟子王

梓劉李偉韓思永耶律有尚呂端善姚燧高挺白棟蘇郁姚燧孫安劉安中十二人為伴讀詔驛召之來京師分處各齋以為齋長時所選弟子皆幼稚衡待之如成人愛之如子出入進退其嚴若君臣其為教因覺以明善因明以開蔽相其動息以為張弛課誦少暇即習禮或習書算少者則令習拜跪揖讓進退應對或射或投壺負者罰讀書若干過久之諸生人人自得尊師敬業下至童子亦知三綱五常為生人之道十年權臣屢毀

欽定四庫全書

中州名賢文表

五

漢法諸生廩食或不繼衡請還懷帝以問翰林學士王磐磐對曰衡教人有法諸生行可從政此國之大體宜勿聽其去帝命諸老臣議其去留實默為衡懇請之乃聽衡還以贊善王恂攝學事劉秉忠等奏乞以衡弟子耶律有尚蘇郁白棟為助教以守衡規矩從之國家自得中原用金大明歷自大定是正後六七年氣朔如時漸差帝以海宇混一宜協時正日十三年詔王恂定新歷恂以為歷家知歷數而不知歷理宜得衡領之乃

欽定四庫全書

中州名賢文表
本傳

六

以集賢大學士兼國子祭酒教領太史院事召至京衡
以為冬至者歷之本而求歷本者在驗氣今所用宋舊
儀自汴遷至京師已自乖舛加之歲久規環不叶乃與
太史令郭守敬等新製儀象圭表自丙子之冬日測晷
景得丁丑戊寅己卯三年冬至加時減大明歷十九刻
二十分又增損古歲餘歲差法上考春秋以來冬至無
不盡合以月食衝及金木二星距驗冬至日躔校舊歷
遲七十六分以日轉遲疾中平行度驗月離宿度加舊
歷三十刻以線代管窺測赤道宿度以四正定氣立損
益限以定日之盈縮分二十八限為三百三十六以定
月之遲疾以赤道變九道定月行以遲疾轉定度分定
朔而不用平行度以日月實合時刻定晦而不用虛遲
法以躔離朧朧定交食其法視古皆密而又悉去諸歷
積年月日法之傳會者一本天道自然之數可以施之
永久而無弊自餘正訛完闕蓋非一事十七年歷成奏
上之賜名曰授時歷頒之天下六月以疾請還懷皇太

欽定四庫全書

中州名賢文表
本傳

七

子為請於帝以子師可為懷孟路總管以養之且使東
宮官來諭衡曰公母以道不行為憂也公安則道行有
時矣其喜樂自愛十八年衡病革家人祠衡曰吾一日
未死寧不有事於祖考扶而起奠獻如儀既撤家人餽
怡怡如也已而卒年七十三是日大雷電風拔木懷人
無貴賤少長皆哭於門四方學士聞訃皆聚哭有數千
里來祭哭墓下者衡善教其言煦煦雖與童子語如恐
傷之故所至無貴賤賢不肖皆樂從之隨其才昏明大
小皆有所得可以為世用所去人皆哭泣不忍舍服念
其教如金科玉條終身不敢忘或未嘗及門傳其緒餘
而折節力行為名世者往往有之聽其言雖武人俗士
異端之徒無不感悟者丞相安國一見衡語同列曰若
輩自謂不相上下蓋千百與千萬也翰林承旨王磐氣
概一世少所與可獨見衡曰先生神明也大德二年贈
榮祿大夫司徒諡文正至大二年加正學無黨佐運功
臣太傅開府儀同三司封魏國公皇慶二年詔從祀孔

子廟庭延祐初又詔立書院京兆以祀衡給田奉祠事
名魯齋書院魯衡居魏時所署齋名也

姚燧 姚燧字端甫世系見燧伯父樞傳父格燧生三
歲而孤育於伯父樞樞隱居蘇門謂燧蒙暗教督之甚
急燧不能堪楊奐馳書止之曰燧令器也長自有成爾
何以急為且許黜以女年十三見許衡於蘇門十八始
受學於長安時未嘗為文視流輩所作惟見其不如古
人則心弗是也二十四始讀韓退之文試習為之人謂

欽定四庫全書

中州名賢文集
本傳

八

有作者風稍就正於衡衡亦賞其辭且戒之曰弓矢為
物以待盜也使盜得之亦將待之文章固發聞士子之
利器然先有能一世之名將何以應人之見役者哉非
其人而與之與非其人而拒之均罪也非周身斯世之
道也至元七年衡以國子祭酒教貴冑奏召舊弟子十
二人燧自太原驛致館下燧年三十八始為秦王府文
學未幾授奉議大夫兼提舉陝西四川中興等路學校
十二年以秦王命安輯庸蜀明年漢嘉新附入諭其民

又奉命招王立於合州又明年撫循夔府凡三使蜀皆
稱職十七年除陝西漢中道提刑按察司副使錄囚延
安逮繫註誤皆縱釋之人服其明決調山南湖北道按
部澶州興學賑民孜孜如弗及二十三年自湖北奉旨
趨朝明年為翰林直學士二十七年授大司農丞元貞
元年以翰林學士召修世祖實錄初置檢閱官完叢故
事燧與侍讀高道凝總裁之書成大德五年授中憲大
夫江東廉訪使移病太平九年拜中奉大夫江西行省
叅知政事至大元年仁宗居藩邸開官師府燧年已七
十遣正字呂洙如漢徵四皓故事起燧為太子賓客未
幾除承旨學士尋拜太子少傅武宗面諭燧燧拜辭謝
曰昔臣先伯父樞嘗陰是官尚不敢拜臣何敢受明年
授榮祿大夫翰林學士承旨知制誥兼修國史四年得
告南歸中書以承旨召明年復召燧以病俱不赴卒於
家年七十六謚曰文燧先在蘇門山時讀通鑑綱目嘗
病國統散於逐年不能一覽而得其離合之概至告病

欽定四庫全書

中州名賢文集
本傳

九

江東著國統離合表若干卷年經而國緯之如史記諸表將附朱熹凡例之後復取徽建二本校讐得三誤焉序於表首略曰其一建安二十五年徽本作延康元年凡例中歲改元在興廢存亡之際以前為正當從建本於建安二十五年下注改元延康其第二章武三年徽本大書三年後主禪建興元年建本無三年則昭烈為無終徽建皆曰後主於君臣父子之教所害甚大是起十四卷盡十六卷凡曰後主者皆失於刊正也當於三年

欽定四庫全書

中州名賢文表

十

下注帝禪建興元年明年大書帝禪建興二年庶前後無齟齬也其三天寶十五載注肅宗皇帝至德元載明年惟曰二載為無始當大書二載上加肅宗皇帝至德使上同於開元三者鈞失而建安之取至德之去統固在也若章武之距建興纔三年耳遽有帝父主子之異豈不於統大有關乎詳見序篇燧之學有得於許衡由窮理致知反躬實踐為世名儒為文閎肆該洽豪而不宕剛而不厲春容盛大而有西漢風宋末弊習為之一變

蓋自延祐以前文章大匠莫能先之或謂世無知燧者曰豈惟知之讀而能句句而得其意者猶寡燧曰世固有厭空桑而思聞鼓缶者乎然文章以道輕重道以文章輕重彼復有班孟堅者出表古今人物九品中必以一等置歐陽子則為去聖賢也有級而不遠其文雖無謝尹之知不害於行後豈有一言幾乎古而不聞之將來乎當時孝子順孫欲發揮其先德必得燧文始可傳信其不得者每為愧恥故三十年間國朝名臣世勲顯行盛德皆燧所書每來謁文必其行業可嘉然後許可辭無溢美又稍廣置燕樂燧則為之喜而援筆大書否則弗易得也時高麗瀋陽王父子連姻帝室傾貲結朝臣一日欲求燧詩文燧靳不與至奉旨乃與之王贈謝幣帛金玉名畫五十篋盛陳致燧燧即時分散諸屬官及史胥侍從止留金銀付翰林院為公用器皿燧一無所取人問之燧曰彼藩邦小惟以貨利為重吾能輕之使知大朝不以為意其器識豪邁過人類如此然頗

欽定四庫全書

中州名賢文表

十一